

04 OCT 1997

TPM UZBEKISTAN LAWAT MALAYSIA

KUALA LUMPUR, 4 Okt (Bernama) -- Timbalan Perdana Menteri Uzbekistan, Victor Chjen dijadualkan tiba untuk lawatan rasmi tiga hari ke negara ini, mulai esok.

Aturcara lawatannya termasuk menemui rakan sejawatannya, Datuk Seri Anwar Ibrahim di Jabatan Perdana Menteri pada hari Isnin dan Perdana Menteri Datuk Seri Dr Mahathir Mohamad pada keesokannya.

Pada hari Isnin juga, Chjen dijangka menghadiri Seminar Antarabangsa Mengenai Perniagaan Malaysia-Uzbekistan di Pusat Dagangan Dunia Putra, di sini.

Beliau kemudiannya akan menghadiri taklimat Perbadanan Kemajuan Negeri Selangor, melawat kawasan perindustrian Shah Alam dan menemui Pengerusi Permodalan Nasional Berhad (PNB) Tan Sri Ahmad Sarji Ahmad Abdul Hamid.

Pada hari Selasa, Chjen akan melawat Menara Kembar Kuala Lumpur (KLCC) dan kemudiannya diraikan oleh Dr Mahathir dalam satu jamuan.

Chjen akan pulang ke Tashkent pada hari Rabu. -- BERNAMA
RAZ PR